



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Francisci Arias, Societatis Iesv Theologi, Tractatus Tres spirituales**

**Arias, Francisco**

**Coloniae, 1615**

12. Epilogus, & anacephaleosis totius materiae, de mortificationis  
fructibus, & quanta sit hominis mortificati felicitas.

[urn:nbn:de:hbz:466:1-48767](https://nbn-resolving.org/urn:nbn:de:hbz:466:1-48767)



sui, suarumque virium, sed de eo copiosius alibi egimus.

## CAPVT XII.

*Epilogus & anacephaleosis totius materiae de mortificationis fructibus, & declaratio quanta sit hominis mortificati felicitas.*

**V**ix exprimi potest verbis, ad quam felicitatem homo in hac vita pertingat, qui sedulo & serio operam mortificationi dedit. Quid enim praestabilius homini contingere potest, quam ut dum in hac carne mortali degit, viuat spiritu? dum in mundo versatur, non secundum mundi spiritum viuat, sed secundum Dei spiritum? Hoc caput & summa est virtutum omnium, exercitiorumque spiritualium, ab Apost. Paulo crebro commedatorum. Ad Galat. dicit: *Spiritu ambulate, & desideria carnis non perficietis*. Et rursus dicit: *Si spiritu viuimus, spiritu & ambulemus*. Ambulare spiritu, est in virtutibus progressum facere, ac in bonorum operum exercitatione, non ductum sequi inclinationum, passionumque naturalium, sed spiritus diuini lumē, roburque fidei & Christi gratiam. Vnusquisque enim in ijs operibus exercere se debet, quae congruunt cum vita, quam profitetur: cum ergo homo Christianus per baptismum sit renatus, & per poenitentiam



reuocatus ad vitam spiritualem, tenetur etiam operari conuenienter tali vitæ, in omnibus diuinæ voluntati legiq; à Spiritu S. cordi nostro impressæ obsequendo; quod faciet, si omnia opera sua pura restaq; intèntione faciat, ad maiorem s. Dei gloriam, si in viam cœli semper cum maiori ardore & fructu spirituali decurrere conetur, ac deniq; in studium mortificationis sui continuò sit intentus. Quæadmodum enim homo moriendo peccato, per pœnitentiam obinet vitã gratiæ; sic prauis inclinationibus moriẽdo per mortificationem obtinet gratiæ incrementũ.

Cuiq; autem inclinationi, quam homo mortificat, respondet vnus gradus nouæ vitę spiritus, roburq; crescit secundum operationem illi congruentem. Sicut enim vitis, quæ radices viuas egit in terra, idcirco amputatur, vt in plures pãpinos se diffundat, pulchrioremq; & vberiorẽ fructũ ferat: sic iustus, dũ viuit vita gratię, idcirco mortificationis falce cupiditates inordinatas amputat, vt fructus & gratiores in oculis Dei, & vberiores aliquando producat, Quoq; vita interna iusti mortificationis oprea amplius augetur, latiusq; se diffundit in opera bona facta cũ spiritu, hoc in oẽm eternitatem gloriosior erit & cumulatioribus felicitatis donis abundabit, vitæ nẽpè Christi simillima. Hæc do-



Strina & institutio est B. Pauli Apostoli:  
 sic n. loquitur in ep. ad Col. *Si consurrexistis Coloss. 3.*  
*cū Christo, quæ sursum sunt querite, vbi Christus*  
*est in dextra Dei sedens: quæ sursum sunt, sapite,*  
*non quæ super terram, q. d. Cū vobis suppe-*  
*rat vita gratiæ, secundū quā spiritualiter*  
*estis resuscitati, praestate opera illi vitæ cō-*  
*gruentia, amplectendo cœlestia, deserēdo*  
*terrena, nec finite vos duci affectib<sup>9</sup> huius*  
*mūdi, sed spiritu Christi in cœlo regnātis.*  
 Deindē mox Apost. quibus medijs ista vi-  
 ta obtineatur, eiusq; fructus, subiūgit: *Mor-*  
*tui. n. estis, & vita vestra est abscondita cū Christo*  
*in Deo. Cū autē Christus apparuerit, vita vestra,*  
*& vos apparebitis cū ipso in gloria.* Sensus est,  
 Mortui estis peccato, quia horretis illud:  
 & mundo, eiusq; pōpis, quia illas contēni-  
 tis, & cupiditatib. terrenis, quia eas mortifi-  
 casticis. vnde consequēs est, vos agere vitā  
 spiritualem, quæ occulta latet in intimis  
 cordis penetralibus, secundū mundanorū  
 iudiciū, sicut secundū eorundē iudiciū iā  
 latet vita Christi in cœlo regnantis, & ad  
 dexteram patris confidentis. Quando autē  
 Christus ad vniuersale iudicium ventur<sup>9</sup>  
 est, & toti mūdo se spectādum præbitur<sup>9</sup>,  
 tūc etiā vita vestra iā amatoribus mūdi i-  
 gnota patefiet toti mundo, quia in socie-  
 tate Christi eritis gloriosissimi, & quasi  
 cū eo renati. O felix mortificatio, quæ tā  
 nobile fructum tum in altera vita habet,



## 600 TRACT. DE MORT. DISCR.

beatitudinis animæ & corporis sempiternæ, tū in præfenti vitæ spiritualis, qua anima viuit per gratiã, & viuūt bona omnia cū spiritu vitæ perfecta. Atq; hinc oēs alij diuini mortificationis fructus à nobis declarati dimanant; vt, quod per illã magna parte naturam nostrã sanemus, lucẽ quãdam rerum diuinarũ cognoscendarũ accipiamus, solatium item & gaudium spirituale in tribulationib; & ærũnis, expugnationẽ carnis sub spiritu, & cõtra passiones tentationesq; victoriã, facilitatẽ & suauitatẽ in bonis operibus, efficaciam ad purẽ contẽplandum, robur cõtra humanos terrores, ac pacẽ & serenitatẽ spiritualẽ. Hac homo satisfacit pro peccatis præteritis, & liberat se à futuris, in quæ labi poterat. Hac irã refrenat, cõcupiscentiã extinguit, & verũ imitatorẽ Christi se efficit. Illa bonũ exẽplum præbet proximo, fit mãsuetus, benignus, & moribus suauis, nã, vt benè notauit Lud. Blosius, seruus Dei mortificatus est similis botro vitis maturo, pulchro, & ad gustatum suauis; nõ mortificatus verò botro immaturo, duro & acerbo. Deniq; hoc sancto mortificationis exercitio homo obtinet culmen perfectionis virtutũ, & velut homo perfectus & omni virtute instructus vtilissimus est Christi Ecclesię, oculisq; Dei gratissimus, vt dicit ven. Beda.

F I N I S.

Coll. S. J. Paderb.

*In inst. spir.*  
c. 2.

*Cant. c. 32.*